

梁江文通文集

開化圖書館
kaihua library

開化圖書館

Kaichwa library

開化圖書館

Kaichua library

開化圖書館

Kaishua library

梁江文通集卷第六

始安王拜征虜將軍丹陽尹章

既耀軒禮涵甦龔恩爽泗覲默謝中臣少識猶晦
哀辛方襲藉以毓采上霄搏華中漢飲惠延光
佝爵假息不悟瑶離降映繩河低文遂翊言關
禁徒第京部進憲蒙淺塵紊徒盈還迷據悚風
製罔樹循伏憂歛滅虜焦衷不勝荷佩之情

始安王拜征虜將軍南兖州刺史章

絢服騰炤懋冊凝芬夤對迷墜慙泣交集謝中臣
職右南謝蒲鞭之政任重臨淄無遣獄之化自

分金帝關參風尹訟璧緯裁復圭露詎淹不悟
旻靈拂采霄景汰色復交書河楚置傳江吳環
章清潤旂文肅路寵艷內維榮炫外圍方梗名
慮有陋莩識冲生覲氣安以輸謝不勝荒震屏
營之情

建平王讓右將軍荊州刺史表

茂寵廼臨炫奪彝典巡恩鏡飾攬情震慮謝臣
聞該秩詔序匪賢莫能孚其職端維裂陝非功
無或濫其選所以輪鞅國典締結民紐五威咸
平四精或訓者也臣踐行迷方試業敝緒徒以

綴采宗莘承渥帝席執圭戴筆亟荷出內至乃
曳組河縣蔑馴羽之化鳴環京轂謝擇鱗之政
聲績兩無風化雙缺而龜紐未別璽書頻降復
改冊湘區分瑞衡服競無賈琮交部之廉終乏
郭伋并壤之信固以誼沓民明湫隘身諷不悟
皇靈再輝河海重渥遂踰恒采妄賁異等荆門
務要方城任積水交沅澧山通岷峨襟帶百縣
縈抱七州上德懋勲尠居斯地寧臣膠所宜膺
荷是以焦薄菟色驚迫心影謹刷睿情置露弱
志伏願陛下停旒弛珙暫炤瑣曲則鑄才式弘

練物惟遠王度既清蒙識以恭不勝慙懷屏營
之情

建平王拜右衛將軍荊州刺史章

珪冊停徽車旗寫曜襲禮炫衷迎恩震色謝中臣

聞爵以能委命以績降亦有玄雲結吹襲成燠
之厚朱箱累轍崇試宰之高而臣紐組頒守要
玉備政績廢江區聲隘河部浮榮曠年叨光賒
日諒以具察輿歌取鏡民誚不悟皇德至凝亭
物帷幄復使承官楚封祗袂漳士任班河翼事
亞嶠陝橫術輻湊殷氓訟積寧曰明哲疇尅勝

寄雖瀝丹局終懼蒙咎不任銘戴匪處之情

建平王散五刑教

府州國紀綱吾謬紕朝組廼班恩命重渥華蕃
踐寵懋甸永言政惠良攪情寐况舊楚地曠前
郢岷殷水帶枉渚山匝魯陽自頃田邑榛故封
井萊蕪財賦方屈犴獄寔繁思所以厚風釐俗
變瑟改調自五歲刑已下未連臺者一皆原遣
文武彈坐亦悉復職主局依舊施散薄紆此懷

建平王謝賜石硯等啓

臣言奉勅賜石硯及法書五卷天旨又以臣書

小進更使勤習敬閱籀篆側觀硯功張衛慙竒
金瓊羞麗臣夙乏翰能素謝篇伎空貴恩輝徒
隆慈飾方停煙墨永砥學玩仰結聖造伏銘私
荷不任下情

建平王謝玉環刀等啓

奉勅賜玉環刀等五種珍器臚伏蒙猥降飾軼
采朱跨影懸魄崑岡歸琛闕山慚寶謹襲緹素
以充握睇垂光旣深銘佩更積不任下情

建平王慶明帝疾和禮上表

臣聞慶動至玄則昌衢敦序教孚上雲則紫寓

交泰故祁寒辱暑無以變其和沴火凝陰不能
徙其氣伏惟陛下至德遠稜實天縱聖仁鑄蒼
岳道括寰海故丹陵之君疑金泥而謝賢媯墟
之后眷龍圖而慚德頌聲蔽達歌思匝道而望
景暫虧輪光少暖玉璽達和金幌輟念百祠未
遑四嶽匪處吉蠲爲慶神御方休瑞廣文齡祥
深武日具惟渥教倡愉蕪薦臣班臧奉慈實自
慶舞不勝悅豫之情

建平王慶安城王拜封表

麗采繩河映萼璿圃淑問夙孚令儀早晰撰告

候辰昭膺輝序國維富禮皇塗凝衛具生屬慶
懷識戴躍臣涵悅楚邊魂馳關闕不任下情

建平王聘隱逸教

府州國紀綱夫媯夏已沒大道不行雖周惠之
富猶有魚潭之士漢教之隆亦見棲山之夫迹
絕雲氣意負青天皆待絳螭驤首翠虬來儀是
以遺風獨扇百代餘烈激厲後生斯乃王教之
勛古人之意焉吾稅駕舊楚憇乘汀潭挹於陵
之操想漢陰之高而山川遐乂流風無沫養志
數人並未徵采善操將弃良用慨然宜速詳舊

禮各遣繡招庶暢此幽襟以旌蓬華

建平王慶改號啓

竊以皇衢永謐則玉曆惟禎國慶方夷則繩澤式茂故五鳳協年甘露應號况今道潤衍溢頌祉載繁嘉生蠲慶風雲瑞節旣覲招晨方鑄昌化延守一隅無以自屈不勝荒情

建平王慶少帝登祚章

上書皇帝陛下伏承肇嗣天震雲飛璿極戎夏歸服民靈以戴中臣聞黃旗纁藻瑞益於姬帝紫雲垂蓋効異於劉后實乃深賜天衷廣映祇

迹伏惟陛下騫英駕聖涵靈縱睿矩心明裁繩
道詰時遙齋雜符雜沓河紀是以膺符寶宮輯
命珍殿誼洗云密德徽媯夏濬發鴻原長梯鄴
緯方殉吉金圖騰華玉曆波揜下氓炎躔上漢
臣公莘締寵誠兼親屏禮升之日守官楚甸不
獲勉躬儲外奉敝行間魂泣江郊心泫京國不
任悲仰哽慰之情

建乎王答王太后正位章

上書王太后殿下伏承以今日淑辰曾光樞景
慶分祗外禮蔚寰中中臣聞道懋弟昌勳廣社

盛藻秩攸臻憲章斯飾伏惟殿下柔明固天夙
資龔懿芬蕙翔聲端簡散譽冠采摯妊騰燿徽
姒丹陵蘊德玄丘棲聖煙煜國牒衍溢民聽涸
道席教且詠且洽臣忝任蕃圉無由隨例闕廷
不勝荒情

建平王慶江皇后正位章

上書皇后殿下伏承以嘉月蕙時膺曜宸正翠
珩炤品榆組在飾休遍函夏譽殷靈昧中謝伏惟
殿下岳曜靜德式懷謙順升降圖傳左右詩史
夙鏡茂資早摛芳訓故以騰馥祕閨寫問中帷

今靈緯載升崇正輝典衛教紫庭麗軌華屋聲
激綺組風偃家邦黎玄湊仁雲祇宅慶遠邇有
聞莫不傾渥臣限外任無由恭列軒屏不勝荒
情

建平王太妃周氏行狀

竊聞候服之譽非黃冠能敷王食之間寧早衣
所述諒畏褒美於君后被空名於鼎貴然有漢
臣誅行晉史書德者亦云實而已焉伏見國太
妃稟靈惟岳集慶自遠世擅淮汝族冠疇代故
以載曜聲書式炳騰牒矣太妃誕離明之正和

涵雲露之中氣凝采韶歲賁章笄年若廼彤管
女圖之學纂組綺縞之工升降虔謙之儀柔靜
居順之節莫不中道若性不嚴而成故譽滿闈
閭聲聞軒殿以元嘉某年歸于故司徒宣簡王
旣而弟高坦倫秩踰外品青軒華轂用光國輝
素壁丹墀寔隆家貴具惟姻娣靡不式瞻而居
尊以簡訓早以弘躬謹蘭閨身撝椒第若衛娥
之烟行樊羸之映操方之蔑如也大明二年宣
簡王薨太妃藉悲用禮撫孤用慈柔懿之德愈
彰肅敬之間日被雖文伯之母言不踰闔莒相

之主行存乎勤無以過也大明某年拜建平王
太妃是時今王春秋方富德業未隆藉茲金響
終能玉播故綺襦出宰弱冠升朝者亦太妃劬
勞之訓也謂天蓋高降年不永以太豫元年二
月三日薨于荊州之內寢凡厥遠邇以哀以歎
今祖行有期泉窆無遠素旂望路綵旌思歸所
以垂宣徽容髣髴金石者謹詳牒行狀具以申
言

建平王讓鎮南徐州刺史啓

臣言臣誓惟殃釁頻瀉四析慊慊狂愚翼蒙哀

弔而聖旨懸嚴便賜斷表神乖意失音影何地
吞悲茹號情膽載絕臣荒昧神氣爰自幼稟分
踰鼎貴秩高外州臣乏素能或所不任况在憂
年必取黜辱特爲開非常之恩借權製之義紊
禮滅經實翦治本臣又能身祈命請一感天地
躑躅表啓心容已覩猶疑大道之行墨縑不與
孝治天下通喪獲遂陛下覆被仁明品物無漏
豈於微臣獨不蠲鑿焦鯁在躬輒復塵觸伏願
暫輟聽覽少憐苦草則臣死之日猶生之年臨
啓恍惚竄識無主不勝殞越怵息之心

建平王之南徐州刺史辭闕表

臣過承寵靈閔點假日徒抱皇慈無充橫草而
品第廼崇軒服逾峻顧茲覲窮彌覲荒昧今便
奉官外甸卷迹徐山託慕宸嚴載惟感戀哀疾
不獲詣闕不任窮鯁之情

梁江文通集卷第六

梁江文通集卷第七

勅爲朝賢答劉休範書

昔媯道鼎昌干羽未能戢姬德昭宣長旌猶卷
舒焚衣毀冕有自來矣皇宋靈武誕命道鬱終
三后連光四聖沓軌或經天緯地構紫靈之符
調風偃海隆黃旗之祚莫不頌滿金后聲彰宇
宙者也暨我太宗明皇帝惟岳降聖重耀函夏
延禮壁臺訪道衢宰平陽之后卷迹慙靈空同
之君斂功謝德是以綵雲祥風之瑞布濩區中
梯山棧火之俗歛微請吏跨商軼夏洗周滌漢

道澤優行猶不道封禪遐靈在天餘惠無氓主
上文明金相穆然玉色履璧之禎獲珪之應著
在紀歲仁浸汙河惠愛秋草想亦君之所聞也
重以先帝靈略潛通英轡遠取受話言必忠貞
方肅之臣奉風聲必虔恭匪懈之士明時琴瑟
鼎鉉之盛且被於寧世而忽覲來書以惋以慨
君爲齊梁楚越之主鼎貴一時金玉滿堂文馬
千駟爵授湯沐冠蓋於道惟名尊崇誰與爲雄
而出言効尤吐音入戾舉旗類社志竊神禁稱
兵斂衆遂窺外關今朝無闕政頓構凌上之節

室無夔豎坐生莫大之豐鴟梟赭衣號興徒黨
主萃淵藪寧滋之甚不臧不軌不忠不義未有
若斯者也宗枝之釁遠則吳楚見禽於一壁盤
石之夔近則江荆面縛於小將此成敗蘭艾之
鑒又亦君之所知也聞彼此飲鼠舞之異早見
物徵河北隴上之謠已露童詠所謂妖由人作
孽不可逃然桓侯之患良助寒心今羽林黃頭
駱驛爭引熊渠飲飛首尾電發伏波樓船掩江
蔽汜渡遼甲卒充野布隰加以先天蓋世之略
蕩海拔山之威任輔沛陳羽林鷁鷁露動龍驤

精騎風驅然後六師雲起九軍星連蜺旌外江
虹艦中水金甲映平陸鐵馬炤長原薨南嶽而
永慨嗽九孤而懷恐伐罪弔民復驗於茲甫刑
三千唯此爲大僕才等不羈志瀝丹欵故奏禍
福行矣悵然袁褚劉肅等疏

尚書符

起都官軍局符
蘭臺

侍御史大夫尊冠賤履君臣斯位愛順惡逆成
敗可憍未有憑凌我江郊侵軼我河縣而不流
魂漂骨丹宗血祀者也沈攸之寂寥無文起自
甲卒邀我百戰之軍乘彼一捷之幸鑿山裂地

紐紫要金擁旗蕃伯便無北面之禮受符方屏
即有專征之興箕賦深斂毒被郢南枉法矯刑
毒聞荆西鬼恠其性故從始而遂終狼戾其志
乃泐少而得老山陵不奔移袂爲慶踐祚無賀
按劔稱予遂乃關馳送書亭炤妖火此而可賒
孰不可宥今遣陳承叔彭文之等敢勁三萬前
驅電耀呂安國任侯伯桓崇祖曹虎頭等樓艦
五萬騎射蛟中流苟元賓郭文孝程隱雋等輕
舸二萬高旌蔽日周盤龍張文嘉薛道淵等鐵
馬五千龍驤後陣凡此諸帥莫不氣薄日月精

變虹蜺或飲羽石梁或超踰門樓索鐵拔距孤
視萬旅顧眄則前後生風喑鳴別左右激電然
鑿戎薄臨驍虎百萬六軍徐軌五輅遲旆丹艦
發炤素甲生波樓煩白羽投鞍成岳漁陽黑騎
浴鐵爲群於是高山與深谷共湮紫芝與白艾
同滅不亦惜乎惜乎符至之日幸加三省其驅
逼寢手之人鋒陣塢壁之主若有救命軍門一
無所問或能因罪立績賞不示私斬祛射袂唯
功是與購募之科具列如上信如白水激然無
二臺明詳旨飛火音加宣才文書千里馳驛

慰勞雍州文

皇帝謝鎮軍寧蠻二府雍州文武士庶等夫忠
爲令德或感槩殺軀信實美行或殉義蹈節而
沈攸之小豎反覆稱逆西藩素朶劉康潛使相
扇遂擁據石頭並圖廟社朶康旣從王憲蒼黎
同慶攸之孤州蟻聚勢必燼滅刺史張敬義氣
雲騰秣馬星驅全羽十萬殄茲氛鯨曾不旋踵
彼州南陽白水將相遺風忠義之士霜戈電發
但戎車暫動念原未寧冬寒卿皆無恙

蕭驃騎驤封第二表

臣某言寫瀝愚丹已續前表猥降前詔未垂鏡
怒一省驚慙再悸冤府靜躬自察啓居匪地謝
臣聞日薄星迴昊天無以爽其節山盈川冲厚
地不能虧其度豈不靈鑄言限神極無失况世
道恒淪人彘剽奪數滿必泐虛飾小故辭大臣
才非古賢任鈞左戚祚開山河兼金疊組爵麥
常班寵溢前達以榮以渥且慙且覲雖嘉銘鼎
之恭更懼循墟之速矧乃三司業貴上將地崇
愬錄務廣河汾寄深珪寓方啓劔衛增肅旣驚
朝野足震城邑殷周富士猶難其人漢魏多才

亦罕兼職且麟閣之臣尚有位不及鉉全噐之
侯猶或任不並台名爵無假前世之雄規車旗
勿濫中葉之英軌况鴻誥鬱集懋冊頓萃諒非
虛薄輕所膺符今殷夏旣聲封國式固故天地
燁燁日月更輝陛下停若鏡之明流如雲之愛
方求士於板巖宜思賢於屠肆而私臣以闡廟
寵臣以惟鼎位兼文武職惣内外非所以發夢
渭濱儲精河藪鑄金刻石旣不可詮輿歌里頌
其謂臣何仰緣大道方行蒼祗宅氣威靈所燭
九功咸詠寧於庸臣獨隔恩耀誓守愚衷重扣

雲日如蒙恩宥實生之幸不任慊欵之風

第三表

臣某言臣再抽慊請辭爲理屈側守圭漏伏望
衷鑑而震緯嚴祕懔悰徒懸優獎之降非復常
旨肅奉驚懷曛曉如失謝臣炤冊訪古訟史誓
昔以爲敷道之寄管物成務惣錄之重臣績毗
風莫不下協河岳上踵光緯先王所以長世後
眷所以字氓讚金圖之要輔樞曆之機者也臣
本瑣姿不慕聞達昔值英世頻遘時來感激光
私未能自返烏可超乘厚任妄據高圖天道旣

平鬼神好謙臣亦何人而獨斯處所以不恤色
忤頻犯鴻威者正以方圓之景已滿丹彩之色
難加政能緯俗匪務傍職坐而燹道必在其人
若臣武未燭韃橐之分文不藹樽俎之間德非
時秀道乖物宗虛飾疲伍空貽上位則天變彰
於飛沅地眚見于震墜驚蕩民聽蕪沮物議綸
言之出不追金石之謬已遠豈唯敗錦傷經毀
鼎覆餗而已哉自非西京上績東都名勲河右
群賢江左諸彥寧有誣叨天爵以爲已功者也
昔南楚偏君鄢郢小政執珪柱國尚不輕授况

車軌共文四溟同宅而以鄙蔽超居金鉉殊任
鬱起臣心憂魄悚視丹如綠伏願陛下暫停冕
纁少察愚實鑒臣覲情愍臣孤志廣天下之惠
可疋夫之諒中則國步永清門下永無謬悞不
任憂駭之情

蕭領軍讓司空并敦勸啓

臣某言臣沁心之請丹識以傾詔旨冲絕便賜
斷表伏聞當遺王人猥垂獎勸仰天光休俯增
驚厲謝臣以爲槐鉉之任百王攸先具司是屬
冠冕式瞻化曜昌輝連基政務專深崇替迹豫

興衰故道富一時則風行明令才乏適權則山
摧河泣旣撓汨蒼祗將紊毀身國臣進退惟疑
再三自顧實以陋情悲忘寵極但畏軼超疲五
廼叅鼎軸無德而貴豈敢偷存才怯任重物所
不恕故弱識褊槩類布前辭枯木朽株永隔蠲
恕豈特大車方塵小雅有廢而已哉將據致寇
之悔取鑒於茲矣且皇華之命居上之鴻私鳳
舉之招爲下之殊榮國勲必書史不謬牘况臣
連牧圉岳董率職方旣鑠近古垂耀中葉揆望
揣實爲泰已甚而廼復降朱輪之使方枉青冊

之勸寤寐恟灼諒無以任輒重素誠冒覬神炤
伏願皇靈特垂開愍賜停正台之職并光勸
之使餘所榮忝誓不敢辭肅恭外屏祈廻恩授
則於臣慊歎復爲惠造不任憂戴匪惶之情

蕭領軍拜侍中刺史章

上書皇帝陛下即日詔書以臣爲侍中驃騎大
將軍開府儀同三司班劔三十人等持節都督
如故峻命在庭光冊充軒虹駿聳服朱轡佇蓋
夤對以據心影若傾艸臣功乏至道不足以題
象魏績非振民無可以書廟閣半漏未晏中鍾

而驚實忌微庸起乘威服竊疑國寵頓萃末躬
今寰海順典瓊都咸光調御惟新鎔製就始良
宜整變憲經詮明典緯九河式耀三辰載晰不
悟陛下皇靈曲溢大賚斯降而鴻賞之行迺於
臣始非所以騰振遙風激昂品流輿人之誦具
聞其黷類露慊祈未阻鑒順今使虔禮青軒謹
躬丹墀憂符休怡慙屬兼軫不任屏營之情

蕭驃騎錄尚書事到省表

臣某言臣自妄蒙異寵輕荷殊爵晝昊猶聳夜
艾方驚誠以設器瑤陛取監冲滿懸臆金波徵

驗虧闕茲乃天數去盈人經好退后所以裁成
萬品下所以各慎百司未有達才易貫尅負永
業者也且量力之誥實炳前書辭科之誨且昭
昔牒况臣徒竭弱質忠貞未對猶叨令恩山岳
非重故慙屬交喪頻煩表䟽必謂巡崖之慊不
忽氣亮之清可期不悟皇明神邈鴻獎彌深雖
守丹愚競絕蠲恕今輒燿纓上序錡珮中軒德
輕施重左右生華志盡輸謝終愧報効不任下
情

蕭驃騎謝甲仗入殿表

臣某言臣即日被勅賜給甲仗五十人入禁儀
武殿飾冠疇典局此盛恩五情銘載臣聞國之
利器在祀與戎蘭綺之設實允儲方故官騎辰
居羽林天部瞰城龍塞言伏鬼方臣股肱之力
不足以染丹青橫草之勤寧可以鏤金石而魚
服象弭一旦虛授誕錫金珪方茲爲苟黃河如
帶比金非賞故異寵之襲心魄共驚不世之服
祇同輝雖攀靈河漢駿奔明哲慙迹駭衷無情
以處

蕭驃騎讓豫司二州表

臣某言臣傾心駐氣不蒙眷感憂龍交鏡中寐

再驚

謝中

臣聞國曆惟燿則藩伯緝其才朝緯伊

序則方率司其度用能璿紐弗虧民教可變者也臣自少噐業無聞弘大誤變燕鼎超憑吳舟託翰負組假翼要瓊質圖立素文寫青籟爵富諸公任高群彥銓梁旣失輻誚所湊雖文影毗道苟身贊德朝徽不昭民聽具溢豈非性力知限鑒度有崖乘茲而處猶懼紊辱之恥况此以任何堪湧溢之賜且董督條興蓋非盛古至乃河襄初授或體兼上才江表廣任或功爲物首

臣績陋於國不勤春朝寵集若是非所尅敢終
抱寸襟重露愚見伏願天鑄廣栽地靈厚載特
垂蠲渥使不矜盈則藿質蓬性庶無矯奪不任
匪晏之情

蕭驃騎發徐州三五教

州府紀綱沈攸之背慢靈極稽誅之日久矣况
稱兵江漢之上圖釁廟闕之下惡熾罪盈民靈
所絕朝廷以尅辰纂嚴令輿夙駕吾任先責遠
義兼常慨挺刃投袂信見其時方當水斬龍蛟
陸斷犀兕雖烈士銜志壯夫投槩然雲羅旣舒

宜廣威防所統郡縣便普三五咸依舊格以赴
戎麾主者飛火施行

蕭驃騎上頓表

臣某言伏見明詔鑿輿便御親六師臣又謬愍
群師竊聞金火告燿昏明代卷雲電漑湊經綸
相襲所以草昧縣寓昭晰區宙况乃逆徒阻兵
器掩西服雖蟻衆鼠竊勢必褫散然尋仞難貸
原煙易滅臣受筭內楹稜威外閫按甲視夕沾
襟待旦翦此凶渠庶匪曠旬但遂玉輅躬臨雲
蹕親駕悚悚慨交心實百常憤今便嚴率所統

尅此月二十六日出次戎郊故已望江源以軫
歎想荆山而增厲矣進止之宜更聽勅旨不任
悚企匪寧之心

蕭驃騎築新亭壘埋枯骸教

府州綱紀夫汝南稱慈諒由掩芟廣漢流仁實
存殯朽近柔製茲營崇堞浚壑古墟曩遂時有
湮移深松茂草或到刊薙憑壙動懷巡隍增愴
宜並爲收改毀奠祀主局詳辨施行

蕭驃騎謝被侍中慰勞表

臣某言即日侍中祕書監臣戢至奉宣詔旨慰

勞便受國中帷練甲外壘旌麾蔽景輿徒競氣
人懷秋嚴士蓄霜斷晦菟已掩氛豎未懸稽鉞
竚威寢興震慨今王人臨郊皇華降庭輝耀望
實將激威武戴鶡之夫迎光蹠恩投石之師攀
炤竦惠楚續越醪方茲慙潤臣忝屬閫私彌抱
渥洽不任下情

蕭驃騎慶平賊表

臣某言狂賊沈攸之棄天祀紀毀禮滅緯外陵
南畿內壘西夏聳聳涵氣咸百讎憤賴皇威遐
制璿圖廣馭四海競順其會如林仰綴宗稷之

靈俯輯士民之効故嚴効裁交妖鋒折首凱期
旣孱樂飲在晨斯乃紫曆方永蒼氓同慶臣備
符寵私時深抃舞不任踴躍之情

蕭驃騎解嚴輸黃鉞表

臣某言逆沴電熾凶妖霧舒志夫裡天情已類
社故乃馳羽江郊驚燧山甸雖藏智審其點戮
亟識判其奔沮然兵扈難輕義險宜備故膺寵
無辭奉鉞不謙今元凶旣殪醜徒自紊稜靄方
卷郢氛已廓樂瑄登肆禮衣曳朝不宜復假殊
服取缺彝則輒上還王府永戢祕館

蕭驃騎讓太尉增封第三表

臣某言以鉉司崇貴袞位淵嚴非德非功無忝
無濫故誓菟肆請舒衷仰謁不能曲流茲炤遂
乃徒洽恩獎周覽未交靈爽以懼中臣歷古公
圖循遠訪繪未嘗不麗選台妙簡槐采者也魯
鄭之賢戚曹蕭之勲彥吳鄧之盛功王鍾之素
業孔明之居蜀茂弘之在晉皆僉曰伊人是以
處無懦色臣官逢昌世運漸時明頻煩紫渥綢
繆璿命身薄施厚感厲愈深遂負機繩之託猥
集衡梁之任風軌不樹徽猷罕宣無以式翦寇

北載弭姦義致虹沴阻於上京蜺妖扇於下國
寔賴藩伯鞠旅侯甸入守攬槍旬始煙祛霧卷
故皇道威稜之由神緯昭昌之効臣豈有探憂
察幽之智攻城野戰之力哉今迹無小功事貽
大賞愧寤終朝慙夢流夜咨此庸弱何以任忝
伏惟淮泗猶梗趙魏未賓中源又蕪神州方翳
思樂盛猷願厲聲頌將陪雲驂以北守扈朝服
以濟師乃爲少雪庸誠微謝天眷耳寧容遽竊
茂爵輕頒鴻名者乎伏願聖渥遐覃賜以矜宥
霈焉垂仁穆然惠德血祈旦亮懽志夕滿雖蹈

庇戾猶深抃躍

蕭驃騎讓太尉增封表

臣某言撰心求私精衷請亮情不感神理無動
天詔飾旣降辭表是絕朱紱方臻金鉉未宥魄
慮再馳詵然改席臣局志乂戰淺槩已領具煩
寸管備黷尺史曠旬浹景祈指遂宜猶謂設品
分職實以仰銓壁緯列寵縣榮故乃俯酌瑤陛
迹聯盈缺道協興降上眷所以僉舉前英所以
詳能今若第隨私貴爵與私富紊蕩經邦斷折
民紀豈可還風中葉逖聽遐代者也臣才乏往

賢績謝古列妖鋒孽火將炎天地幸郊甸或靜
江山以閱文軒華劔旣榮旣峻侯桂食又盈
又滿祿高誚厚任重責深弱節兼誠誓思不淺
伏願隆慈特垂明愍臣奉國猶家慮公若私秉
軸之鈞心希在治不任懇懇之情

蕭驃騎讓油幢表

臣某言奉詔賜車一乘竊以國容方穆旗章式
序朝禮求清儀服咸貫故象革建鑣尚炯明圖
朱箱玄蓋猶炤漢篆皆旌羽勿差功庸匪濫臣
忝爵山重蒙榮海深襲恩祇冊已慙初筮浮祿

素位方疚心路鑿古以惕巡世固然不宜假文
丹慙空飾阜輶仰思至道俯恤物僭伏願聖遠
特停華渥書愚上請追深累懼不任下情

梁江文通集卷第七

梁江文通集第八

蕭太尉上便宜表

臣公言臣聞經邦緯治去華爲急體國字民循
素乃安聖誥遺風具騰丹冊賢言末流備宣青
史何嘗不翦削浮奢銷遣文繪然後頌音載興
澤洽式廣楚駕百馬民雜國彫秦脩萬騎教亡
業墜刻楛丹楹禮有常序朱幡皂蓋古無濫秩
縹衣綸綬漢置前寄制服恠物周設常刑皆節
俗約訓反撲還風肅政黎心釐一民志故禮奢
寧儉宣尼之高風以義止利孟軻之宏規若乃

文彩利劍道鑿其元彫蟲篆刻世炤其淺雖儒
墨異學名法各治至於遵本捨末其槩一也故
荀韓之立典君晏之制書賈陸之鴻筆嚴徐之
博辭食貨興志鹽鐵生論莫不異說而同儉乖
議而共治然世淪物起道缺事遷蓋源起西秦
波被東漢一魏不變二晉未革所從來者遠矣
洎高祖武皇帝業高縣寓化格區宙菲躬謙度
方追重華納麓之勤約情僞操乃取文命卑官
之義去金錦之巧無惟帳之飾唯脩遠圖綏國
之術祈勸力耕濟世之規是以政平刑偃紫階

斯廓大祖文皇帝恭已明臺之上聽政衢室之
下九官咸靜萬績惟凝亦復務抑華詡思裁奢
太輿馬翠翟之麗豈登乎外禁瑤碧綺組之玩
罕設於內宮故大德立而五路謐鴻名建而四
民寧者也自頃政教日替敦教月虧誰惟歷稔
亦日淹紀至乃帝臺傾海外之寶王城盡天下
之祕象席珠履一躡而即收鏤琴綵瑟再撫而
已損褻衣隨塵而罷羅袂從風而棄百民染其
聲奢萬姓被其馳蕩故闔閭之里富者竊梁楚
之乘伎巧之家豪者襲王公之服於是文靡

虛麗驕邪不典之噐精織空飾妙蠱非常之玩
農夫勤耨不充浮伎之資蠶女務織無給點刻
之費將恐去實就華未知所屆昔源從流不識
其止求國富兵強寧可得乎今江南所宅正漢
魏兩州之地戶口所檢裁文景三郡之民舊齊
故魯鞠爲茂草全趙盛魏豺狼所嗥陛下方欲
鳴鑿中土朝服濟河不改斯術則未見其可也
臣謬屬大任竊同憂泰日晏宵分實忘飢寢草
治其莠職此爲先輒具條便宜可以安邦利民
者事事如右率以聞見謹簡聖聽若其咸允謹

請勅付外施行

讓太傅楊州牧表

崇絕之寵降自白日殊甚之禮墜於青雲祇畏
驗盛若奪蒐鑒巡席無容當軒改色謝臣聞天
地之大德曰生聖人之大寶曰位將以啓廓靈
緯崇樹神紀百司備列貴賤之分旣炳九官咸
贊升降之際可明故皇極不爽國步斯泰雖金
媯各政姬華異治未有革序變倫而能流英發
耀者也臣才慙右賢功愧上烈平趙夷魏之氣
無宣於國書濟河登山之威未亮於左史旣罕

龍韜金匱之効又乏楹間帷中之績衛主寧謂
提橫流匡危不足生細民故小節時顯於艱難
大勲無紀平廊廟而乘輅服冕荷蕭張之賞開
城裂域受曹鄧之爵不能翊教緝政釐濟氓隱
贊邦弘化飾整朝輝是以德少寵多與人立規
才薄位厚處士興議故玉燭未調道治猶鬱者
臣之爲媿也不悟陛下復停日月之華凝煙露
之潤擢臣瑣姿鑿臣陋誠前恩未曠後寵已襲
上公祕鉞聲振都鄙文劔彫舄禮殊軒殿深褒
之逮方今爲絕大賚之降比古爲超臣亦何功

當處斯忝伏願道邈先帝理鏡衆寂被氣順方
涵生獲慶特輟策書時停鴻冊則人歌僉平物
抱至歡

蕭重讓楊州表

臣某言臣以功狹賞峻世誥所讎才弱寵隆道
經所講故寫寃誓膽庶留天矚圖驕慮滿獲守
私吝不能青蘋引風陽燧要景復降綸冊微采
兼明影迹交戰冰煙相薄謝中竊聞周夏異章玄
素各禮儒道二宗名墨兩教咸以馭俗爲急僉
以得人爲寶於是尊官上品乃貽玉振之賢鴻

等懋列爲取金聲之彥或有濟世夷難之略輝
燿內氓導江疏山之勤纏結中寓深德衍溢大
功振驚然後超居國右鬱處朝端故九職惟宣
六典式序丹青所以傳其藹馨琯所以揚其音
也臣才蔽識淺非集譽於鄉曲榮降寵臻乃假
翼於皇極遂事等話言之寄任鈞符負圖之重
職忽表裏地聯機務位班昔良知闕前脩居官
不聞其風處秩焉見其政寰域之治未緝街縣
之訟方興繒販之士無薦管庫之家寂寞四維
不闡五教罕聞安可以底慎財賦交正庶士者

也今輟和毗道及身贊業尚據晦橈獲蔽瑛圖
况異禮更飾褻命復崇名超列辟爵擬群后上
仁居之猶涵慙德臣實空儒伊何以勝旣誣人
文將黷玄緯凌歷飛流之青懼失正和晦裂蜺
霧之災且濫庶物臣是以寤寐永歎憂國慮私
者也伏聞陛下裁天賦品制地平施使曠世之
典不遂臻於末躬迥代之軌無頓被於茲日素
心丹魄皦然靡疚矣不任憂迫之情

後讓太傅楊州牧表

臣公言臣再辭非謙重讓靡飾實以爵高中世

歷古所難寵冠上俗繇代誰易詳圖辨箴如鏡
如水檢崖覽志匪彫匪文蒐祈夢請駐心挂氣
陛下猶降以璽書之榮被以丹碧之采頓然變
容一慮九逝謝臣以爲寒暑繇乎平分晦明驗
乎天道咎譽起於微薄得吝生於小庇故金衡
旣陳錯髮之異必縣銅墨咸設分撮之殊已傾
聖哲不能爽鬼神莫由避况臣鄙槩早盈陋才
又溢第超庶后禮絕群班仰贊東序之賓平參
北宮之政窮盈極滿於斯爲甚鑿茲降替淵冰
非譬所以坐洞房而不悟下輕帷而嘆息也古

之馭教當有道焉量能而受賞撰智而錫位深
乃裂組遠故分珪前人以為稱首昔人以為美
詠自非上德橫乎天地高績格于區宇烈譽馥
於一時茂名鬱乎當世者豈有降今日而莫先
哉臣爰蒙殊寄六稔遂交及荷愍任二燿忽周
未能塞謗生民獲免僮訟何盛勲之足題詎深
烈之可銘乎而因委忝濫踰溢倫等朱軒躍馬
光出電入貂冠紫綬寵藹霞炤臣聞闔宗奉國
猶非報殉方將身侍鑿華雪齊魯之侵地手執
羈勒驚燕趙之遠郊然後追迹范張濯纓汾射

臣之志也華爵盛典非所敢寧伏炤右巡將流
聖察無使匹槩血誠不諫於璿宸宏芬英猷遂
蕪於里聽豈伊庸臣獨去其庇亦曰海隅咸被
其利焉

蕭被侍中敦勸表

臣公言即日侍中臣惠基給事黃門侍郎臣王
僧珍至朱蓋乘雲玄軒肅霧墜高天之旨集微
臣之軀神爽懼然歛影無地謝臣初長血心未
啓素槩辭從意空言隨事盡不能降陛下一時
之恩借俄頃之炤遂枉近侍貂簪軾庭臣自亮

無庸何以集此退咎慊誠悲枉垂光進戒朝訓
虧茲盛序感慮躑躅榮結夢寐臣檢古少例巡
令逾疑豈有妄叨天功虛竊上賞近謬國華坐
取隆貴人見其過外惜皇猷內畏私眚昔西京
鼎秩漢世權家丹墀網戶擊鍾連騎何常不以
驕滿貽戾謙冲要福者哉臣不能遵煙洲而謝
岐伯迎雲山而揖許由激昂榮華之間沈潛印
組之內光飾旣超寵靈亦遠江左已來罕見其
倫今位冠朝端通侯萬戶結象弭於前衝奏金
管於後陣都野宗其榮盛視聽敬其炎貴臣一

旦居之誰以爲不忝者乎而陛下猶崇以異禮
者是增臣之戾也况復蕭延華勸實深窘迫伏
願俯矜單志賜遂前請則世寢橫議臣蒙緩責
蕭被尚書敦勸重讓表

臣公言臣五寫丹翹宜蒙凝炤一降王人遂無
蠲察復遣尚書臣忝兼侍中臣奐等奉宣慈靈
重賜勉誨鏡伏廻環憫默失圖心臆交據淵谷
匪譬謝中臣自初被詔迄于今時載慙載疑以悚
以厲豈非深懼鴻典永憂末躬故琴瑟徒鳴不
傳廣樂之響燈燼空舉焉續經星之耀何則卓

乎小者不足以任太守于蔽者不可以語通臣
器乏淵源識暗機務倫濟夷險每憑璿曆之遠
龕折氛蜺輒資群才之効臣寧有採竒鑿隱之
能網國提民之功乎不謂過延渥洽謬攀河漢
榮宗蓋益寵華暉映藉聲探議共知其幸况傳
保之崇殷周特貴牧司之寄魏晉稱重上昭妙
德次擬英勲有踰茲序尠不紊裂今陛下方闢
金門之聽調繡屐之政何得去禮廢雅近於臣
始旣無前章孰表後世臣才孤位峻待罪無日
矣情哀理感事盡於斯伏願一運天景微見藿

心則物不逃形臣何恨焉不勝焦憂狼狽之至

蕭讓劔履殊禮表

臣公言近仰跼威靈辭移理奪故欲冒忝傳識
必避殊禮不悟復疑令詔雕飾非常鏡睇未周
金火交慮中臣聞寵以昭賢不濫才外之華榮
以麗身豈謀分表之渥哲后所以僉授貞臣所
以慎荷故行珪行玉尚無輕頒一爵一號猶宜
詳品况劔舄升陛贊唱異儀殆爲對越神體抗
禮天極漢魏舊載唯斯稱重雖英袞造朝賢武
滿世蒙此典者乃曠古時降耳諒由功饒賞結

名高器深金蠟綠綬未
藹其采瓊珮朱紱不
足宣其榮方加以履殿優以勿趨
至弟爲上
公貴爲皇王佇望慈禮猶邈如也臣何燁業
兼昔人且令所慮受以懼覆悔豈復聞殊旨增
其憂迺抱此愚欸以殯爲請伏願天鑒順臣所
守則雖歿九幽傳榮萬葉矣

蕭拜太尉揚州牧表

玄文旣降雕牒增輝禮藹前英寵華昔典仰震
威容俯慙陋識心蒐戰慄若殞若殯謝中臣景能
驗才無假外鏡撰已練志久測內涯故讓不飾

迹辭非謙距寸亮尺素頻觸瑤纊丹情實理備
塵珠晃而神居寂阻九重嚴絕徒懷漢臣伏闕
之誠競無魯人迴日之感所以迴懼鴻威後奔
殊令者也既而永鑿隆魏緬思宏晉國之大政
在功與位故民紐亂不處輿臺之下去勲捨
德寧班袞司之上咸以休對性業裁成器靈詎
有移風變範剋耀倫序者乎臣績不炤忠豈宜
國名爵赫曦僂俛優忝陛下乂超以異禮之榮
越次殊常之秩雖寢寐矜戰曲垂哀亮而璽冊
冲正愈賜砥礪今便肅順天誥恭聞養典審躬

酌私必跋危撓將恐氓俗由此方擾執訓以之
交蕪臣豈不勉智罄忠也未知所以報奉淵聖
輸感霄極取諸微躬長爲慙荷

蕭大尉子姪爲領軍江州兗州豫州淮

南黃門謝啓

臣公言臣頻結崇寵亟延上爵休恩動俗烈榮
振古鴻品清飾已藹金圖秀鼎號銘共茂瑤篆
永言戚慮鑒寐所心況乃秩洽朝門慶霑國珮
弱息臣諱嶷映晃等文不昭典武不定功出內
帷間升降貂綬或振迹領候職贊禁錡或騰光

江甸任鈞屏翼河充衝要既濫北門之管淮豫
險捍又謬西偏之寄兄子臣鸞忝守近畿嫡孫
臣某載華省闈皆倏忽晷景頻煩升荷雖咸罄
愚識恪居匪替豈足以少塞神渥裁酬皇眷囂
黷一盈慙厲彌積談天之辨不能爲臣陳辭雕
龍之文無以爲臣飾愧靜然肅念徘徊交集不
任憂感沐浴之情

蕭太傅謝追贈父祖表

臣公言即日兼謁者僕射姓名奉宣詔書追贈
臣亡祖某太常卿亡父某爲散騎常侍特進左

光祿大夫寵輝泉扃恩凝松石奉渥銘心祇光
勸慮謝中臣行阻祇玄躬早荼棘如創之痛具日
不追終身之恤霜露彌感雖慙曾輿喬木之敬
實抱仲路華轂之哀自謬藉珪金空貽組紱爵
侈於公祿盈於私何嘗不靜欬其結默慕交深
不悟眷孝動天昭性曠古惠被遠紀澤演慶世
丹請靡諒峻冊愈凝大榮集身尚驚異施况寵
洽山柏特振殊造銷骨瀝命猶不勝謝不任顛
泗荷珮之誠

蕭大傳東耕教

三府二州綱紀夫寶農賤貨綵炤周滕巡耕去
販光炎漢錄故能業滋都野產殷絃縣吾任屬
弘寄思闡治源慮以感情以宵嘆今玄司調
氣青祇佇節陳既柔服方秀電爍有期桐
萌無遠便當躬速紺耦道先列辟事均暫勞迹
在永豫可剋日備辦詳典施行

蕭太傅辭輿駕親幸表

臣公言近以神輿將降昌啓丹辭重被還旨未
垂闔允謙尊彌光褒優愈臨慙疚既積敢忘謙
請臣乘幸藉私豈曰無僭攀霞鏡月非復常所

此必讓德信在於茲但恩嚴交泊固守莫從免
默恭典伊榮加戚寧容爰枉鸞駕式驚臣府訪
心驗已諒以不夷求物校迹誓無此義且古今
異飾紫青變禮取諸臣躬未覲其安伏願陛下
賜止冕輅時停雲駕則俗踐知方臣蹈厚泰

蕭讓前部羽葆鼓吹表

臣聞國容軍禮旌羽昭其華品騎第乘鸞蕤藹
其飾所以炎耀仙都崇麗神境世教以之垂彩
民聽以之流文故勒岫銘海之功鞞革寫其詠
龕難夷邦之業簫管凝其聲朱鷺玄雲旣錫上

德華山芳樹以頒奇勲爰及台賢位高藩戚名
公恩炤寵垂私賞皆爲發吹後陣豈曰兼奏前
軒茲典罕行此禮實曠臣竊服已弘叨光無限
才局秩遠常銜獨耀安可二葆同整雙弄頓驚
覽躬惕然特貽厚謬伏願明燦日月靡忘情鑒
將停盛飾遂臣慊心則涵惠旣饒恭錫多矣

謝開府辟召表

臣公言近被詔旨賜令臣府自辟僚賢竊聞治
以才爲寶教以人爲貴激風揚蕤賓資山東之
英凝華重馥良在關西之彥近以闡耀世經發

麗朝序今州策郡聘茲禮尚堙台召鉉辟斯文
亟暖豈非盛美難嗣故曠寂先芬者哉臣謬贊
國機職宜水鑒未能澄刑炤藝廡品任宮旣垂
覆業彌感深寄仰屬皇心遥覃察政洞俗弘此
懿典崇臣遠寵輒祇眷恩謹宣巖壑庶幽居之
士蘿薜可卷竒武異文無絕於古

蕭上銅鐘芝草衆瑞表

臣公言臣聞象際懸通豈以明昧岨運幽崖遙
鏡不以人靈異謀威書壁誥旣信其綵綠鱗丹
字彌驗其文是以業藹鴻經則煙露呈炤精昭

景緯則川岳發華故寶鼎白雲瑞集軒世芝房
赤鴈祥委漢年玄石鴻鐘遠炳晉室玉璧彝器
近耀皇宗自大明乘規泰始疊矩朱髻素毳之
至史不絕書音葉珍柯之獻府無虛月今懋曆
啓圖靈基再固頃歲以來禎應四塞近獲豫州
刺史劉懷玲解稱所統建寧郡建寧縣昌村民
於萬山中採藥忽聞異響從石上得銅鐘一枚
長二尺一寸遠像古鑄近乖今製又州界之內
樹生連理二木隔澗滕枝相通越壑跨水合爲
一榦方之舊說彌復爲貴宣城所統臨城縣山

中獲草一株交柯攢莖紫蓋黃裏貞潤晬晬自
然天華採掇歷時質色不變  柄據有徵
近獲吳興太守臣王奐云十一月二十九日解
所統長城縣令臣張撫解稱其月二十五日甘
露降縣東界下山之陰又東太守臣腦解所統
武進令臣紀法宗云十一月十日解稱其月二
十四日甘露降於彭山松樹至九日又降如初
臣以祥緯雜沓星燭波連斯乃靈迹深覃眷衷
實感理應寫順祇無涵祕稽往徵古僉欣升泰
瑤光日闡玉繩永休謹拜表遣兼長史叅軍臣

姓名奉銅鍾芝草以聞

梁江文通集卷第八

開化圖書館
Kathua library

梁江文通集卷第九

蕭讓太傅相國齊公十郡九錫表

備九錫之禮非常之冊分天而降冠古之典開
河而出遙然以歟竟交象魏中臣聞日月權輿
二儀所以刻靈君臣設極三統所以式固惟生
與位謂之大寶辨諸文而尊卑既炳觀群龍而
貴賤可正雖復殷因於夏王資於帝至乎建侯
分職體國經野其揆一焉是以二周之始山河
愈廣兩漢之初封賞彌盛然表東海者實牧野
之日贍魯邦者乃負圖之辰西都英相信命世

之功關中上宰亦龕亂之力拒鬯彤弓本西伯
之賞虎賁戎路又晉公之典若乃衣裳盟會九
合一匡猶慙德斯禮也臣實鄙才靡識大體徒
以忠貞爲槩而勞不足銘雖以丹素爲誠而功
無可勒豈有經天緯地之略探隱炤寂之智哉
抑亦何術以堪盛休是以覽雲際而懷古憑軒
楫而未寧也伏惟陛下神華馭世理無不鏡賜
臣待謗今職守其私滿則天下有道庶人不疑
矣

第二表

臣公言臣近勵心罄辭寫情畢議眇望神藻鑒
見丹襟而帝閣以祕論誥方明中庶卷容左右
軫慮謝臣以爲麗天秉經君上之彝憲儀地執
緯臣下之恒軌故皇極載凝庶士交慎昔者重
黎勤官裁居炎冥之職義叔能任方掌日月之
序至乎御龍勤夏未聞冠俗之爵大彭翼商豈
見超世之典以古先哲后如茲之慎賞也臣乃
謬貽國寄志在靜難若夫野戰虹蜺伏順者易
爲威城攻鯨虺奉國者理必全雲氣薄蝕下民
咸貴其明恃險輿馬舟中皆可異議故昌邑有

歸邸吳楚無旋師斯激芬揚麩物同其幸焚惡
去醜世共其庇實爲仰憑俯順之効臣亦何力
之有焉竊謂祿爲十郡必俟禹迹之勤錫以九
命乃須周公之美况呂梁不鑿而噐重玄珪越
裳未獻而賦擬千乘京關識其崇貴畿服知其
忝冒鏡前脩而慙形覲往德而聳慮畏崖之請
取誓深水審量之祈呈炤灑景伏願陛下遠牽
雄範近覽英規憑霞停詔臨風輟恩豈伊愚臣
方獨昌化具日遺氓咸蒙其賴矣

被百僚敦勸受表

臣公言臣欵誠素履頻載縑翰天飾高獎累降
史筆即日尚書臣某等至重宣詔旨猥辱百僚
省睇未交心靈已悸謝中臣聞良宰謀朝不必借
威貞臣衛主脩已則足故驕滿之失取鏡函關
謙測之美見炤伊闕臣本庸人識無遠度籍開
關之辰遭撓槍之運茲回內燹則戮力瓊都諸
侯放命則抗節瑤祀秉號仗義幸不辱威皆爲
冕旒遙鑒之明群士畫圖之助臣寧望伊摯叔
且之爵呂牙申明之賞哉方欲謝簪東都濯冠
汾陽不悟盛禮華典復臻於茲靜默迴環祇畏

躑躅猶謂遇聰明之朝當時雍之世陛下詠堯
風之化歌卿雲之詩日月華采萬方獲性疊慮
仰祈必蒙題品而威嚴窈絕斯翼遂阻鑿輿玉
駕復許敦幸重臣愆悔無地自安便當謹恭鴻
命竭身爲限

蕭拜相國齊公十郡九錫章

殊命寶典鬱降雲天采詔軒騎光流城禦震驚
華禮神氣交越謝臣才謝深英噐慙遠度進寡
兵車召陵之盟退靡朝歌河內之會無束馬山
戎之績懸車流沙之功故望寵未安踐榮加懼

况納陛朱戶事絕群班金璽綠綬儀參鴻典聞
命屏營以憂以墜近申微款日月之鑒既阻方
懼難謙蘭芳之旨愈峻遂致百辟卿后踟躕於
衛闕鑿輅旗旂方幸於臣府悵然遙慮將貽厚
戾文章徒單迄無蠲省而天威咫尺丹懷罔固
輒肅恭文物翹拜榮禮違距以深追增怵迫德
輜寵盛於斯爲微非臣鄙虛所能酬對

蕭相國讓進爵爲王第二表

臣結慮歸請三辰未鏡傾竄仰視九天弥阻重
炳徽策再晰光誥理晦情震若涉嚴淵中臣業

不出世績未逮古謬藉明政陳力就列艱多智
寡翊贊罔樹若乃洪範不脩鍾繇旒之日九黎
亂政當摧軸之辰雖瀝命奉時蘭禍提下亟防
明之陋貽慙昔人杜險之蔽取愧前英故十萬
之師無集橐行之邱千金之貴恒單白藏之府
戈船發於江湖戎車出於石城然後雲徹席卷
虔劉巨禍臣實慙焉不悟上賞亟降華爵必集
雖延首紫局翹意宸居執爲守約之志旣謝簡
鑒避賢辭智之請終無開允故受任專征遠邇
知寵肇封四履候甸推禮昔虞思勤夏不列殊

物之錫晉叔匡周豈頌上公之典燕藩懿親裁
蒙袞舄之榮梁國戚屬方忝旌旗之貴而臣包
括庶揆惣納儀形蓋出近古非三代之遠體也
今復乃踰九命爰超五等域中之稱麗天作則
探情顧抱豈所允安者哉伏願陛下下一檢丹崖
遂臣慊心無使怵迫深貽庇矣

蕭相國拜齊王表

臣無佐夏匡殷之功威晉服楚之績業不題於
宗噐聲靡記於彝典而起居上禮邈乘峻爵靜
念隆替焦原非譬謝中臣以爲衆官咸事帝謨所

以式序群后刻讓王猷所以載穆况臣訪德語
勤未泊伊稷之能藉靈懷寵以濫周邵之秩故
駐菟仰請瀝意歸聞理竭素牒事罄丹史具微
太微備簡玉繩而才輜志淺隔景絕炤朱輪之
使日月亟紆金鑿之尊旦夕將拂巡情覽識豈
伊寧處今便肅典內軒恭服外屏大夫有命古
或無違王假有廟今臣爲叨三省空懦震據于
心

齊王謝冕旒諸法物表

臣王言以軒冕雲蹕旣非常之飾宮懸玉戚乃

配天之禮故呈襟効慮必期蠲亮重被還旨芳
訊愈越鏡伏殊私情影遠震謝中昔大啓營丘未
備樹羽之賞先宅曲阜始兼龍旂之貴况道狹
慶隆身薄器尊粉璽爭輝燥火鏡耀夫太常圖
列星之采華蓋觀古人之情所以聳絕百縣崇
隔萬寓鳳閣因此而神瓊都由茲而麗故愧功
慙德違儀避■誠不遙孚理無曷達遂貽嚴誥
爰斷辭表驚慄遲迴祈鑒何地便當肅對王休
敬昭異寵佩服盛文以慨以懼

齊王讓禪表

遠規唐虞永揖之典近慕漢魏高樹之禮既覽
金水昏明之數又協雲電隆替之徵激風太上
扇采至公聞命驚爽心靈殞越中謝臣聞天地草
昧而樹之君所以平對二儀顯臨萬國膺符受
曆愍明司幽軒轅陟祚首出庶物顓頊登庸作
爲民紀雖五德迭興十代繼運非賢非睿莫預
斯位若乃與能之交禪錫之會豈伊虛薄所可
尊擬昔傅巖佐商秩終上公礪溪翼周名極列
伯臣才非若人功愧遠聖獄訟不往謳歌寧歸
河乏馬圖之寶天無乘龍之錫元首股肱誓不

可異而曠棄之軌忽臻於茲慙慨憂灼罔識其
際伏願陛下貴舜禹之心臣守巢由之節則道
耀日月澤浸飛泳聲振開闢仁動今古四三王
而六五帝不亦休哉

遣大使巡詔

門下昔明王馭世巡嶽采政睿后司朝觀俗調
化故生無鬱滯物獲脩通釐風拯患於茲爲急
朕以翰薄昧于大道因璿璣之曆遵三德之運
緬鑒前哲寤寐永歎思所以闢訪治蠹詢求民
瘼才寡務殷若無津滌故以情深危薄心疚夙

夜矣可普遣大使分行四方推賢薦能問疾舉
滯若其采野不闢犴訟有虧妨垠利害擾黷政
經者具以奏聞如其讜言嘉話真士智才亦依
名騰上隨事均量務取厥中朕將親覽以弘遠
化

賜赦交州詔

門下交部昔值時諛負海不朝因迷遂往歸欵
莫由今創制萬寓烟熅造物原形四裔澤浹中
畿愆彼邊氓未均王化宣弘遠仁蕩以更始可
曲赦彼州統內咸同曠泰李叔獻一人即撫南

土其股肱文武詳材選推并遣大使宣揚朝旨
斷募士詔

門下設募取將懸賞購士蓋出權宜非曰經制
頃者民罹氛藹世襲艱阻因時流故浸以成俗
斯風蕩而未返且滋長遭逸開罪山湖遂乃鯨
刑不辱草竊無咎平政察洽萌合甄革自今已
後可悉斷衆募

封江冠軍等詔

門下締基緯業序功攸急開曆闡祚酬庸爲先
故以式藹曩書載炳前軌文仲假等或成亮艱

危効彰屯詖皆績幹兩宣勒國兼立宜各分珪
社以酬厥勞謚

大赦詔

門下朕思弘風教而刑圜猶積永言前烈兢歎
載懷今履端告始郡后執贄治洽樂交華夷同
泰雖和慙擊石米愧卿雲然景業初基義深恒
典慶動玄靈歡溢都縣憫彼幽黔猶隔茲澤思
我兆民共熙至化

比伐詔

門下朕統曆馭政志包函夏庶物文軌無思不

服而逃焉狡虜久爲邊虞及宋末不庭授策乖
律北州外淪威風內毀鑿彼隆替慨歎盈懷晃
旒濟河翦彼凶狄咸秩中岳望祀汾陰則聲教
鬯矣猶以經綸惟始恩化甫洽勞民擾衆爲政
所重故方輟六師按經九伐今淮泗告驚羽書
馳聞醜羯妖燼送死北垂徵天人之數撫自來
之會無勞遠兵剿撲爲易蓋因茲大號蕩其巢
藪可遣使某官組甲十萬鐵騎千馬斜趣潁洛
衝其要津某官某虎旅八萬舳舻數千汭淮長
驅稜威青汴某官某舟師五萬直出淮淝某官

控江右之銳駱驛既進其官其率羽林勁男爲
水陸形援某官某甲等並率義勇之衆于盡椅
角之機戎車戒路事宜惣一使持節都督南徐
兗二州諸軍事後軍將軍南徐州刺史長沙王
晃出次江都爲衆軍節度驍雄竟奮火烈風掃
剗定中原肅清河洛便可內外纂嚴以時備辦

王僕射爲左僕射詔

門下端貳樞祕寔惟國禎緝典宣機所寄時彥
尚書右僕射領吏部尚書南昌縣開國公儉噐
懷明亮風情峻遠業積珪璋才兼經緯况乃節

射
亮帷幄譽敷端揆升授之宜蓋允具瞻可左僕

王撫軍爲安東吳興詔

門下震澤躬輿撫馭須才都官尚書撫軍潯陽
郡開國公敬則志幹貞烈秉情開敏忠勤之至
形乎出內必能綏懷大邦尅隆美政

曲赦丹陽等四郡詔

門下朕興言民瘼昧旦求政所以庶存簡惠緝
茲治道而玉燭未調祥風尚鬱京輔及二吳昔
歲水災秋登旣罕今茲厲疾罹患者多納隍之

歎爲矜良深可曲赦揚州所統丹陽吳興南徐
州所統義興等四郡其遭水左劇之縣自今年
以前三調未充而虛例已畢官長局吏應共備
賞者雖即事爲愆情在可亮外詳所際以弘優
澤

王僕射領太子詹事詔

門下管司東朝歷代所重自非國華莫允斯任
侍中尚書左僕射南昌縣開國公儉鑒識清瞻
理懷秀澈績亮朝端譽敷僉議贊業攸光物聽
斯緝宜惣二官以穆彝序

何詹事爲吏部尚書詔

門下官人之職實難其選所以弼諧彝品謨明
庶績今思治惟急彌不可曠侍中太子詹事戢
業履脩平體識詳隱自升官闈美譽咸聞必能
無懈于位爰茲流序

王侍中爲南蠻校尉詔

門下荆楚旃曠任重寄深毗左之選非良勿授
侍中領祕書監驍騎將軍與秉心貞元志局開
亮績譽之美在公屢彰必能贊政南紀播惠西

夏

王光祿爲征南湘州詔

門下衡岳名區荆湘奧壤自頃凋弊綏撫須賢
侍中光祿大夫丹陽尹僧文德履淹邃識局詳
正冲素之朝望攸歸歷職之庸載懷僉聽往任
沅湘餘惠在民今宜重敷善政申此懿績

柳僕射爲南充州詔

門下河充衝要維杆中畿司牧之任宜詳其授
後將軍領軍新除尚書左僕射涇陽郡國公世
隆業體淹濟思情通敏功書王府積彰累任必
能宣弘恩政威懷萬里雖哀疾毀頓而禮有權

奪

王僕射加兵詔

門下散騎常侍尚書左僕射太子詹事南昌縣
開國公儉忠欵昭著任寄隆深旣光朝猷允屬
民聽宜增威飾以崇望實可加兵二百

立學詔

門下夫膠庠之典彝倫攸先所以昭振才端啓
發性緒弘世字氓納之軌儀是故五禮之迹可
傳六樂之容不泯朕自膺曆受圖志闡經訓且
有群寮奏議橫集以戎車屢警文教未敷思樂

辟雍永言多慨今關燧無虞時和歲稔遠邇同
風華夷慕義便可式遵前準脩建教學精選儒
官廣延國胄

王鎮軍爲中書令右光祿詔

門下綸言要密歷選爲難優秩崇顯允在舊德
使持節都督江州豫州之新蔡晉熙二郡諸軍
事鎮南將軍江州刺史延之業履冲約秉情閑
素譽彰頻試績著累朝自居南服徽庸剋舉宜
升寵章管兼樞祕

張令爲太常領國子祭酒詔

門下庠議既敷縉紳攸屬師氏之任宜歸儒素
散騎常侍中書令驍騎將軍楊州大中正緒器
識清簡理懷恬約譽洽朝聞聲緝民聽必能聞
揚玄宗式範胄子兼掌宗伯望實惟宜

蕭冠軍進號征虜詔

門下維翰之重實資名品使持節都督郢州司
州之義陽諸軍事冠軍將軍郢州刺史南昌縣
開國侯鸞體局弘濟器操端敏自蒞任夏首美
政殷流必能聿宣國化以庇人瘼宜崇顯秩允
茲聲望

褚侍中爲征比長史詔

門下蕃佐須才非良莫寄侍中領步兵校尉炫
識業清悟思懷掩暘出內之譽日聞其美宜弼
諧親屏以申茂績

梁江文通集卷第九

梁江文通集卷第十

齊太祖高皇帝誄

日月鬱華風雲黯色傷動紫微悲匝璇極嗚呼
哀哉粵夏四月辛卯將遷座于泰安陵龍鑿既
整羽衛以陳深酸舊物掩咽故臣嗣皇帝永訣
丹掖叫然青墀攀神光之一絕動遠邇之何期
弓劍有慕慕德寫辭僉曰若稽古聖璿圖靈鏡
星樞發祥電光啓命誕惟弱齡惠志聰情如金
如璧爰秀爰英於鑠冠歲騰華流藝允文允武
克明克睿聿尙登學嚴道遵師宣散五禮優游

六詩上炫舊滯旁鏡前疑才罄艷采筆盡麗辭
在支斯悌于親伊孝儉泰共色夷阻一貌遊情
駟矩縱心蹈教鄉術式慕州閭是効業優登仕
先哲攸懋矧乃寥廓淵規遂構官府天地舟輿
宇宙龍靜鳳戢歛竒揜秀昔在帝劉王室放命
校焉僞誕晦朔陵正鋒車北軼燿火南盛太祖
時乘爰茲發迹塞井滅勲夷竈龕敵賞鏤王圖
功蕤帝冊乃厲中葉天未歛難兵百袁曹禍十
楚漢吳地前崩越壤首亂街號燿盛火列金斷
聚甲如陵獻俘爲觀北楚倔強曾未屈膝雲屯

被野魚麗亘日廟勇旣消國圖方匱神冊天開
雄略世出凶劔鱗沈醜戈羽逸隻騎不返蹄輪
無匹厥庸戾止雜珮委他榮鬱閭闔寵重山河
皇彝有文朝采方藹頻煩金紐左右緹蓋毗戎
肅禁叅輦侍旆譽馥區中道夢氓外河濟國險
淮泗邦塵要藩重設匪賢則親亦旣推輶擁土
庇民聲稜絕俗威贍殊隣宋主陵遐紫殿過密
話言之詔貽在英粹寅亮大寶敷綸妙祕世識
機鑒物宗淵懿無廈匪練靡奧不洎三階旣馴
五精惟至彭蠡九江地盡襟製亦有劉範衣纓

是絕躍馬山岫泛舟河滢編鏘星流紅旗電結
鳩翼競扇豺牙爭礪禍纏紫禁兵交丹衛瑤祀
若於金屐如綴朝野傾儀咸歸上德實賴至公
瀉家提國懷險寔泰襄危亡必克機遶朝旦功
定曛黑妙物更配具章重則深居撫外遙棲繇
默高秩方臻元禮有序王曰念哉輝寵是與職
褒宮閣任卷文武飾華麗貂縈金疊組宏猷溢
俗曾芬冠古憬彼朱方亦惟宗秩陰圖食昂潛
謀貫日征輪未誓偏旗銜律原燎旣寂世囂伊
謚爰崇爰貴以望以實鴈縣告靜象郡無虞杳

鬱遠域清麗瓊都國填岷負朝委事虛寔翳哲
相嶽耀神居功美旣損道富去益再紐契訓重
匡禹迹方同范張濯情汾射散簪山郊解珮松
石頰霞拂朝蒼煙惜夕韻屬玄經恩流金液靈
厭霸德少帝告釁滅茲滅養抵仁抵信枉獄炎
鑪淫刑霜刃刳忠翦義樊稚斲櫬慄慄方岷曰
怨曰震妖蜺將崩災裂昊蒼况乃鼎國資滌資
匡臨朝闡命遏昏立綱事繇毗漢義締翼商旣
綏地職亦懋天工權輿典緯俾作司空黼黻珣
戈祐宇升庸徒賜先袞爰永渥冲實曰驃騎卷

迹辭功寰寓睦政畿甸綸風沈氏滔天勃逆舊
楚氣蹂黃池志轉柏舉裂禮紊度毀經棄序黑
騎黥山朱旗潁渚短兵
長鍛爲群顛如海
岸矗似
乃霧激離則霰分荆國旣軼郢
縣方焚表劉二戾焱
焯發聯謀制外儲兵襲
內釁激瓊殿勢崩金闕志乘玄壘圖矯祕鉞鴻
妖逝星高侵棄月惟時諸侯上脫下競圖服渚
蕩實綴仁聖輝耀國靈導揚主命曾規近晰深
暮遠鏡左輪朱赭表裏斯定七德飾歌九功絳
詠乃陟上鉉寵文方輝誕錫有秩綵吹旌旗贊

政瑤光翊教太微寔曰太傅爰登相國緝帙以
禮綜祇以德景福咸湊芳猷允塞羽泳式造絃
縣是則金湯無險軌書攸同迴迴寵迹窈窈睿
功寶珪黛壤俾王于東絢冊是敷懋物旣崇設
業設虞丹懸碧鏞於穆顯相黎元時邕冰州炎
徼來獻其睽鴈海龍開亦柔好音梁鼇棧蠶越
險浮深遠戎皆覲上靈必臨山吐石青野降靈
露瑞芝麗草珍柯爛樹人崩俗締玄緯幽數睠
此妙德跂我王度造滯炎旻旣變至公萎蕤媯
華文祖受終大宋有訓高撫萬邦容豫慶雲遊

衍南風正服寶位圓光玉繩御繡懷古負黼風
興丘礙必靜淵漪咸澄勛泉有作黔牖其義矜
卑廣慈合賤兼愛綴機剗賊輕章削罰迹去繁
麥情歸素一軒靡龍刻楹無丹密越賤申椒楚
輟靈橘陵寢起邑池藻誰縣遙館罕御離房空
薦惇教路宮淹神正殿斟酌信義左右律禮瑩
彼皇維燁茲國體胄業旣樹壁流方啓漢求金
岫吳寶銅塹寧若睿德讓駟却劒寔才爲貴唯
功是念火職咸允雲官亦濼旣臯乃益匪稷伊
夔無缺巡風寧埃辨詩玉燭調文玄英最節乘

山呈瑞航海歸闕不曠景毋庸空歲月受緯機
衡兼甄書史孫韓各辨莊墨異理昭政往藹洗
鏘前軌逍遙星斗徙倚涼雲春飈方舞秋鴻初
分式謠式詠載績載文邈哉我后淪沐賢聖罄
品作號盡物歸政蒼黎汰驩玄靈刷慶永戩嘉
祉方寅景命締詳有文颯沛將掩理昧人詖道
懸世險夏略遺圖忌華徇儉文闇陳几翌明告
漸覘僑關食日月朏精矧在乘輿宇折宙傾稜
纏鸞掖悲赴紫局去旋臺之照襲珠殞之冥鳴
呼哀哉惟宮低景輦路戲光惻柏門之黯黯泣

松帳之茫茫上宮擗而詔御咽群后慕而侍衛
傷攢靈旣儼遠日以筮鬱鬯旣莫龍酌撤素月
夜橫翠煙曉結樅虛金而下歛吟空蕭而增絕
嗚呼哀哉於是颯天駕而從綺輿澁神行而撫
文輦傍建春而南蹕徑宣陽而東踐尚益蓋而
未散乍眇默而不轉睇千乘之共啜盼萬騎之
相汝魏后之戀譙惻漢主之懷沛辭金陵之萼
義峰雲陽之杳藹風竒響而駐軒煙異色而低
旆怨街邑之綵驂弔原野之縞蓋挽夫愴而征
馬疑痛縈盈其如帶嗚呼哀哉複林油雲重山

減日御房清淒神路冥謚昭徒肅燾幽祗竦單
攀光灑動臨泉澍泗燥座長嚴雕宮永閔寂帳
寂兮寂已遠夜釭夜兮夜何邃嗚呼哀哉

宋故尚書左丞孫緬墓誌文

光靈維周肇祀伊衛炤分上代鏡華中世睿誕
降明秀芳嗣烈學惟物範行實士節容與書林
優遊史藝素巾俄朱紱累轍來訪詩逸入詢
禮缺麗名文質齊影儒喆慶履匪舒沴氣遽結
殞帷兮旣晦泉火兮已閉暖遺波於遥緒颯流
馨於遠歲

宋故安成王右常侍劉喬墓誌文

丹陽韞聖豐鄉降賢玉葉旣積金徽方傳乃毓
伊人剋廣克宣騰芬中屬飛藻上年杳杳虛素
永永冲關雲意霜拍瓊立冰堅家寶以瑩國才
未甄叅錯報善茫昧雲玄歛翬幽石委氣空山
膚若流波身如絕煙芳非一逝美懋徒鑄

宋故銀青光祿大夫孫覓墓誌文

川祗効鏡岳祥獻明碧葉獨秀瑤源自清幻炳
器譽夙耀才名體兼遷雲學備儒史紫閣咸趨
朱軒旣履貴交慕塵素遊企軌騰藻上京振彩

下國如彼綠蘭秉芬四塞欵人逕之不平歎天
路之冥默貴夫君之爲美播靈均與正則

齊故御史中丞孫詵墓誌文

筠以霜藹蘭以風薰深哉若人寔好斯文系緒
承胄激藹驚芬才基魏粲學參漢雲覽志上載
洽鏡前聞騰名冠俗揚采絕群方騶明世式替
眷君如何不淑天道雖分敢雕窆石永晰幽墳
齊故司徒右長史檀超墓誌文

惟金有銑惟玉有瑤君實淵哉行爲世標高志
洒落逸氣寂寥與學內溢深文外昭嘉采籍譽

登國振朝亦既有美筠傷蕙凋人迹運曠世促
道遼永矣仁矣流芳無澆

蕭驃騎祭石頭戰亡文

咸告忠貞之寃曰義惟行首雄實士節嗟爾驍
驚稟才蹈烈守玉不渝懷冰可折氣彰靡旗情
激亂轍高墉摧堅巨醜挫銳深痛克矜寃靈及
雪隆恩殊悼臨爾以歎千秋同盡百齡一世寃
而有知咸無遠迹嗚呼哀哉

蕭太傅東耕呪文

敬呪先穡曰攝提方春黍稷未華灼爍發雲昭

燿開霞地煦景暖山艷水波側聞晨政實惟民
天競秬獻歲務畎上年有滄踈潤與雨導泉崇
耕巡索均逸共勞命彼倌人稅于青臯羽旗銜
麩雄戟燿毫呈典緇耦獻禮翠壇宜民宜稼克
降祈年願靈之降解珮停鑿神之行兮氣爲軌
神之坐兮煙爲蓋使嘉穀與玄鬯永爭光而無
沫哉

草木頌十五首

并序

僕一命之微遭萬代之幸不能鑿心礪骨以報
所象擢翼驥首自致丹梯爰乃恭承嘉惠守取

閩中且僕生人之樂久已盡矣所愛兩株樹十
莖草之間耳今所鑿處前峻山以蔽日後幽晦
以多阻飢援搜索石瀨芟芟庭中有故池水常
決雖無魚梁釣臺處處可坐而葉饒冬榮花有
夏色茲赤縣之東南乎其竒異也結莖吐秀
數千餘類心所憐者十有五族焉各爲一頌以
寫勞蒐

金荆

江南之山連障連天旣抱紫霞亦漱絳煙金荆
嘉樹涵露宅仙姪節詎及幽意誰傳

相思

竦枝碧澗卧根石林日月斷色霧雨恒陰綠秀
八炤丹竇四臨公子不至山客徒尋

豫章

伊南有材匪桂匪椒下貫金壤上籠赤霄盤薄
廣結捎瑟曾喬七年乃識非曰終朝

栢櫚

異水之生疑竹疑草攢叢石逕森蓰山道煙岫
相珍雲壑共竇不華不緝可避工巧

杉

桐梓舊麗松栝稱竒焉如茲品獨秀青崖群木
歛望雜草不窺長入煙氣永叅鸞螭

檉

木貴冬榮檉實寒色停黛峯頂插翠石側碧葉
蒼藹頽柯翕絕方陋筠檟遠笑荆棘

楊梅

寶跨荔枝芳鞅木蘭懷藥挺實涵英糝丹鏡日
繡壑炤霞綺巒爲我羽翼委君玉盤

山桃

惟園有實惟山有叢丹蘂擎露紫榮繞風引霧

如電映煙成虹伊春之秀乃華之宗

山中石榴

美木艷樹誰望誰待縹華翠萼紅華絳采炤列
泉石芬撓山海竒麗不徒霜雪不改

木蓮

迸采泉壑騰光淵丘緗麗碧巘紅艷桂洲山人
結侶靈俗共遊時至不採爲子淹留

石上菖蒲

藥實虛品爰乃輔性却痾衛福蠲邪養正縹色
外妍金光內映草經所珍仙圖是詠

黃連

黃連上草丹沙之次禦孽辟妖長靈久視驂龍
行天馴鳳匝地鴻飛以儀順道則利

署預

華不可炫葉非足憐微根儻餌棄劍爲仙黃金
共鑄青釭爭妍君謂無妄我驗衡山

杜若

山中杜若嘉爾翠質不竒不俗載華載實同銜
夕露共烘朝日夷險無二沈冥如一

藿香

桂以過冽麝以太芬摧阻天鑄天折人文詎及
藿香微馥微薰攝靈百仞養氣青霏

雲山讚四首

并序

壁上有雜畫皆作山水好勢仙者五六雲氣生
焉悵然會意題爲小讚云

王太子

子喬好輕舉不待煉銀丹控鶴去窈窕學鳳對
嶺岍山無一春草谷有千年蘭雲衣不躑躅龍
駕何時還

陰長生

陰君惜靈骨珪璧詎爲寶日夜名山側果得金丹道憂傷永不至光顏如碧草若度西海時致意三青鳥

白雲

紫煙世不覲赤鱗庖所捐白雲亦海外益益起三山簫瑟玉池上容齋帝臺前欲知青都裏乘此乃登天

秦女

青琴旣曠世綠珠亦絕群猶不及秦女十五乘綵雲壁質人不見瓊光俗詎聞願使洛靈往爲

我道音芬

雜三言五首 并序

予上國不才黜爲中山長史待罪載究識煙霞
之狀旣對道書官又無職筆墨之勢聊爲後文

構象臺

曰上妙兮道之精道之精兮俗爲名名可宗兮
聖風立立聖風兮茲教生寫經記兮寄圖刹畫
影象兮在丹青起淨法兮出西海流梵音兮至
索溟綱紫宙兮洽萬品冠璇寓兮濟群生余汨
阻兮至南國迹已徂兮心未扁立孤臺兮山岫

架半空兮江汀累青杉於澗構積紅石於林檎
雲八重兮七色山十影兮九形金燈兮江籬環
軒兮匝池相思兮豫章戴雪兮抱霜栽異木而
同秀鍾雜草而一香苔蘚生兮石戶蓮花舒
兮繡池梁伊日月之寂寂無人音與馬迹禪
情於雲逕守息心於端石永結意於鷺山長憔悴
而不惜

訪道經

百學兮異文錦派兮綺分珍君之言兮曠無際
悅子之道兮迥不群澹深韻於白水儼高意於

浮雲軌賢豪於後學軼望識於前文茲道兮可
傳可傳兮皓然挾茲心兮赴絕國懷此書兮坐
空山空山隱鱗兮窮翠嶠水散漫兮涵素壑海
外陰兮氣曇曇江上月兮光灼灼東南出兮是
一山西北來兮乃雙鶴池中蓮兮十色紅窓前
樹兮萬葉落四壁深兮乃沈瀟左右虛兮如寂
寞寂寞兮山室德經兮道袞盪蕩兮刷氣掩憂
兮靜疾信若人兮先覺聊與子兮如一

鏡論語

巡青史之殘誥覽朱管之遺冊惟魯濱之一叟

信銜道而探寂世艱險而多阻君英明而不革
講業兮齊衛論精兮汴泗子之說兮義已祕成
賈鄭之雄理可黃何之壯思惜古人之取才瞰
青雲而靖意恬悵兮有端才嶒峻兮可觀憲
媯禹而折法襲仁誼而求安不嬾婉於戚施寧
蹠蹕於馬蘭俾後生之庶士鑒明德之音翰惟
山中兮寂寞 憂思兮無從石紅青兮百疊山
濃淡兮萬重日下兮 月出兮銅峯竹色兮
拂戶水氣兮繞牕味哲人之遺珍折片句兮忘
老嘉石門之埋名憐柳子之沈道書吳伯於衣

袖鏤顏子於心抱籌出處之叔仲酌言默之多
少若妙行與上靈非積學之所紹至游夏以升
降幸砥心而勿天

悅曲池

北山兮黛柏南江兮潁石潁峯兮若虹黛樹兮
如畫暮雲兮十里朝霞兮千尺千尺兮緜緜青
氣兮徃旋桐之葉兮蔽日桂之枝兮刺天百谷
多兮瀉亂波雜礮饒兮鶩叢泉竟長洲兮匝東
島縈曲嶼兮繞西山山巒岈兮水環合水環合
兮石重沓林中電兮雨冥冥江上風兮木颯颯

盟清冷兮適潏潏白雲起兮弔石蓮客子思兮
心斷絕心斷絕兮愁無閑步東池兮夜未艾卧
西牕兮月向山引一息於菟內擾百緒於眼前
意春蘭與秋若願不絕於江邊

愛遠山

伯鸞兮已遠名山兮不返逮紺草之可結及朱
華之未晚縹余馬於椒阿漾余舟於沙衍臨星
朏兮樹闇看日爍兮霞淺淺霞兮駭雲一合兮
一分映壑兮爲飾綴澗兮成文碧色兮婉轉丹
秀兮益益深林寂以窈窈上猿狖之所群群猿

兮聒山大林兮蔽天楓岫兮筠嶺蘭畹兮芝田
紫蒲兮光水紅荷兮艷泉香枝兮嫩葉翡翠累兮
翠壘非郢路之遼遠寔寸憂之相接歎美人於
心底願山與川之可涉若溘死於汀潭哀時命
而自愜

應謝主簿騷體

山櫺靜兮悲凝涼澗軒掩兮酒涵霜曾風激兮
綠蘋斷積石閉兮紫苔傷芝原寂少色筠庭黯
無光沫予冠於極浦馳予珮兮江陽弔秋冬之
已暮憂與憂兮不忘使杜蘅可翦而棄夫何貴

于芬芳

劉僕射東山集學騷

含秋一顧眇然山中檀藥循
便娟來風木瑟
瑟兮氣芬葢石
兮水成文
擿江崖之素草
窺海岫之青雲
願芙蓉兮未晦
遵江波兮待君

山中楚辭六首

青春素景兮白日出之藹藹
吾將弭節於江夏
見杜若之如大結
凋鱗以成車
懸雜羽而爲蓋
草色綠而馬聲悲
歛泂油以流帶

予將禮於太一
乃雄劔兮玉鈎
日華粲於芳閣

月金披於翠樓舞燕趙之上色激河淇之名謳
薦西海之異品傾東岳之庶羞乘魚文兮錦質
要靈人兮中州

入橘浦兮容與心敞惘兮迷所識視煙霞而一
色深秋窈以虧天上列星之所極桂之生兮山
之巒紛可愛兮柯團團谿崎嶇兮石架阻飈颺
颺兮木道寒煙色閉兮喬木橈嵐氣闇兮幽篁
難忌螻蛄之蚤吟惜王孫之晚還信於邑兮白
露方天病兮秋蘭

石筵筵兮蔽白雪疊疊兮薄樹車蕭條兮山逼

舟
兮水路愍晨夜之摧坐感春秋之欲暮
征夫輟而在位御者跼而載顧
寃兮歸來異方不可以親蝮蛇九首雄虺戴鱗
炎穴一光骨爛寃傷玄狐曳尾赤象爲梁至日
歸來無往此異方

自序

淹字文通濟陽考城人幼傳家業六歲能屬詩
十三而孤邈過庭之訓長遂博覽群書不事章
句之學頗留情於文章所誦詠者蓋二十萬言
而愛竒尚異深沉有遠識常慕司馬長卿梁伯

竊之徒然未能悉行也所與神遊者唯陳留袁叔明而已弱冠以五經授宋始安王劉子真略傳大義爲南徐州王新安從事奉朝請使安之薨也建平王劉景素聞風而悅待以布衣之禮然少年嘗倜儻不俗或爲世士所嫉遂誣淹以受金者將及抵罪乃上書見意而免焉尋舉南徐州桂陽王秀才對策上第轉巴陵王右常侍右軍建平王主簿賓待累年雅以文章見遇而宋末多阻宗室有優生之難王初欲羽檄徵天下兵以求一旦之幸淹嘗從容曉諫言人事之

成敗每曰殿下不求宗廟之安如信左右之計
則復見麋鹿霜棲露宿於姑蘇之臺矣終不以
納而更疑焉及王移鎮朱方也又爲鎮軍叅事
領東海郡丞於是王與不逞之徒日夜構議淹
知禍機之將發又賦詩十五首略明性命之理
因以爲諷主遂不悟乃憑怒而黜之爲建安吳
興令地在東南嶠外閩越之舊境也爰有碧水
丹山珍木靈草皆淹平生所至愛不覺行路之
遠矣山中無事與道書爲偶乃悠然獨往或日
夕忘歸放浪之際頗著文章自娛在邑三載朱

方竟敗焉復還京師值世道已昏守忠閑居不
交當軸之士俄皇帝始有大功於四海聞而訪
召之爲尚書駕部郎驃騎竟陵公叅軍事當沈
攸之起兵西楚也人懷危懼高帝嘗顧而問之
曰天下紛紛若是君謂如何淹對曰昔項強而
劉弱袁眾而曹寡羽號令諸侯竟受一劍之辱
紹跨躡四州終爲奔北之虜此所謂在德不在
鼎公何疑焉帝曰聞此言者多矣其試爲我言
之淹曰公雄武有竒略一勝也寬容而仁恕二
勝也賢能畢力三勝也民望所歸四勝也奉天

子而伐逆叛五勝也攸之至銳而噐小一敗也
有威而無恩二敗也士卒解體三敗也搢紳不
懷四敗也懸兵數千里而無同惡相濟五敗也
故豺狼十萬而終爲我獲焉帝笑曰君談過矣
是時軍書表記皆爲草具逮東霸城府猶掌筆
翰相府始置仍爲記室叅軍事及讓齊王九錫
備物及諸文表皆淹爲之受禪之後又爲驃騎
豫章王記室叅軍鎮東武令叅掌詔冊並典國
史旣非雅好辭不獲命尋遷正貞散騎侍郎中
書侍郎淹嘗云人生當適性爲樂安能精意苦

力求身後之名哉故自少及長未嘗著書惟集
十卷謂如此足矣重以學不爲人交不苟合又
深信天竺緣果之文偏好老氏清淨之術仕所
望不過諸卿二千石有耕織伏臘之資則隱矣
常願幽居築宇絕棄人事苑以丹林池以綠水
左倚郊甸右帶瀛澤青春爰謝則接武平臯素
秋澄景則獨酌虛室侍姬三四趙女數人不則
逍遙
紀彈琴詠詩朝露幾間忽忘老之將至
淹之所學盡此而已矣

梁江文通集卷第十終

館

書

圖

化

開

Wakhuwa library

Faint bleed-through text from the reverse side of the page, including characters like '空不盈', '計天', '十卷', '求良', '自', '又', '未', '嘗', '善', '對', '集'.

江文通文集校補

烏程蔣氏密韻樓藏明翻宋書棚本江文通集中有校補蓋馮
已蒼依元人鈔本手校而葉石君過錄者也明刻亦源於宋豈
明人校刻不免竄改致失其真歟今遙錄校語附於卷後江集
當以此為致佳之本矣庚申六月無錫孫毓修記

卷一

倡婦思悲賦

露色未晞稀

哀千里賦

嶄巖生岸

青苔

賦 春禽思忠兮

水上神女賦

日炯炯而光舒舒光

待罪

江南思北歸賦

寒蕪兼葭于余馬

涉桂水與急碧湍

鷹隼

戰而櫓櫓巢

蛟夔尼而共失穴

共魍魎而相偶偶作

憂而

填谷骨

丹砂可學賦

騎烈列星之綵色

骨竅窳窳而見怪

却交文甫之玉質

卷二

赤虹賦 騎傳稟傳 說之一星 金燈草賦 紫縈紫 晨光 橫

吹賦 赤緞緞 紫駭 至于貝冑具曹 象弭之威傷友人賦 庶

同嵇尚駕從篤徒 之哀 握隨隋 珠而比麗 卜十圖兮炤籍

信朝口之徒吳吳 擘覽 秋實於西苑 貴楊黓黓 於後烈 麗

色賦 露霧 辭楚而容裔 莫不輟鏡徙徒 倚 春蠶度繭網

不覲覲 其容 江上之山賦 巖岍兮穴空 鑿 亦緯緝 繡而已

遷 雖不敏而無操操 空青賦 營確確 堅英

卷三

就謝主簿宿 北風縹縹 夜色 寧濕阻阻 雲梁 燈夜和殷長

史 客子依仿 永夜 感春冰遙和謝中書 流瀾爛 新光生

暮意歌上春眷 遊黃蘗山 殘帆帆 十代木 還故國 請學

碧山草靈草 傷內弟劉常侍 蘭杜社 信嘉名 從蕭驃騎新

亭帝壘

開

卷四

惜晚春應劉秘書 玉瀝歷乃共酌 應劉豫章別 裂□□□

□□分□分□□ 郊外望秋答殷博士 雲稍精無永滯 冬盡

難離和丘長史 山川吐幽氣□ 當春四韻同□□□左丞左刻

一上僅空淡□烟漾璇景 班婕妤好詠扇 王侍中懷德 嶠嶠

函蕩丘墟 阮步兵詠懷 飄飄可終年極 張黃門苦雨 有

渰奔興春節 盧侍郎感交勉免力在無逸 許徵君自序 茗

茗寄意勝景 謝臨川遊山 山嶠矯備盈缺 幸遊見建德

鄉 謝法曹贈別 子衿於怨勿往 凝睇涕在何辰 王徵君

養疾微 刻本無 鮑參軍戎行 執軌羈輕去鄉 悼室人十

首 湘醽徒有約酌 漱漱藪藪清衾單

卷五

報袁叔明書 平原影影色 與交友論隱書 而飄影然十載

□□□□
此空格在輒被口
語句下刻空三格
心頑質堅頑校
性斂眉骨折

奏記詣南徐州新安王
長匱芹斤藻之德
到主簿日事詣

右軍建平王
從後軍車於河楚竟不能曜丹腹腹
被黜為吳

輿令辭牋詣建平王
山川間之
詣建平王上書
隱於簾

籍肆之間
昔上將之恥絳侯
到功曹參軍牋詣驃騎竟陵

王
既乏之脩短之術
馳溜澗繩之幣
身蒙青曩曩
拜正

員外郎表
由學末徒末徒
奉春役丹殿

卷六

始安王拜征虜將軍丹陽平章
爽泗元鈔空四字
始安王拜

征虜將軍南兖州刺史章
職右南口刻脫
建平王拜右衛將

軍荊州刺史章
祇祿漳土士
建平王謝賜石硯視等啟
建

平王慶改號啟
既覲昭招晨
建平王慶江皇后正位章
翬

翠珩炤品
黎玄滲湊仁
建平王讓鎮南徐州刺史啓
頻瀉

四折

卷七

勅為朝賢答劉休範書 道鬱口脫刻本 終 尚書符 暗鳴則別

左右激電 投救命軍門 激激然無二 蕭領軍讓司空并敦

勸啓 蕭領軍拜侍中刺史章此二篇馮氏云元 蕭驃騎上頓

表 親駕口悚 蕭驃騎築新亭壘埋枯骸 教 並為口口收

改 蕭驃騎讓太尉增封第三表 未嘗不麗選口脫刻本 台 吳

鄧之盛口功 中原源久燕

卷八

蕭太尉上便宜表 管君晏之制書 約性偽操 思裁奢麥

忤太 讓太傅揚州牧表 祇畏險驗盛口脫刻本 凝煙露之潤

蕭重讓揚州表 口乃假翼於皇極 管庫之寮家寂寞 尚

據晦撓機 臣實空懦儒 蕭被侍中敦勸表 巡今令逾疑

視聽敬其口炎貴 蕭被尙書敦勸重讓表 燈燼罕空舉 蕭

讓劍履殊禮表 且今令所慮受 蕭拜太尉揚州牧表 而神

居寂口阻 寧班口裘司之上 臣績不炤口刻脫 蕭大尉子

姪爲口領軍江州兖州豫州淮南黃門謝啟 臣頻結崇寵籠

蕭太傅謝追贈父祖表 星吳日不追 澤演慶丹刻慶字下謙

刻本請靡諒 蕭太傅東耕教 產殷口刻作縣 蕭太傅辭輿

馬駕親幸表 口紫刻作青變禮 蕭讓前部羽葆鼓吹表 常銜

口刻作獨作耀 謝開府辟召表 臣府自辟口刻作賢 口刻作資

山東之英 既乖口口覆業 蕭上銅鍾芝草衆瑞表 炳柄據

有徵 口刻本脫東太守臣肫腦解所統武進令臣口刻作紀法宗

卷九

蕭讓太傅相國齊公十郡九錫表 柎柎鬯彤弓 第二表 恃

險與馬 具日日遺岷 被百僚敦勸受表 諸侯方放命

伊摯叔旦且之爵呂牙申伯明之賞 齊王謝冕旒諸法物表

光先宅曲阜 粉粉璽爭輝 遣大使巡詔 若無津際際 斷

募士詔 且且滋長逋逸 封江冠軍等詔 皆績績 幹兩宣

謚此抄無字北伐詔 無勞遂遠兵 駱驛繼既進 肅清河洛路

曲赦丹陽等四郡詔 昧旦且求政 王光祿為征南湘州詔

冲素之口刻脫 褚侍中為征北長史詔 思懷淹掩暢

卷十

齊太祖高皇帝誄 叫怨然青墀 口號耀盛 國圖方匿匿

淫口祀若旂 口瀉家提國 襄衍文 任口卷文武 陰圖

食昂昂 口樊稚斲櫬 口鑿彼皇維 玄英口最節 宋故尙

書左丞孫緬墓誌文 齊影儒口詰 宋故安成王右常侍劉喬

墓誌文 雲意霜口拍 美懋口徒鑄 蕭太傅東耕祝呪文

山桃 引露霧如電 白雲 蕭蕭瑟玉池上 秦泰女 構

象臺 流梵音兮至南索溟 訪道經 信口若人兮先覺 鏡

論語憲焉而口折法 山中楚辭 歛口油川流帶 石筴

筴兮蔽日白 魂兮歸來上抄本 魂字三格

牲出入歌辭山中楚

祝詳史具禮備樂荐有牲在陳有鼓在懸騰燭象星奔水類電郊
燎速駕馭彼乘駟以伺質明以佇神宴

薦豆呈毛血歌辭

時恭時祀有物有則伊我上聖實挹明德犧象交陳鬱尊四塞黍
唯嘉穀酒唯玄默薦通蒼祇慶覃黎黑願靈之降祚家佑國

奏宣列之樂歌辭

殷崇配天界尊明祀瑞合汾陰慶同泰時青幕雲舒丹殿霞起二
曜維新五精告始于以享之景福是履

江文通集後序

余先人避地蕭山因而老焉視蕭山不啻桑梓也所居之東一里許曰江寺蓋梁左衛將軍文通別業其子昭玄捨爲浮屠前有夢筆橋乃後人想像其陳迹爲之文不足徵殆千年矣頃歲余領國子學閱崇文閣舊書得江文通集欣然曰夢筆之驗其在是乎錄以示僧有成輩咸願刻之以傳余按文通濟陽考城人今考城已不知有文通矣唯蕭山故居獨存毋乃文通爲東海郡丞或吳興令時往來所寓耶逸事寥寥不可考矣然名藍上人猶能追慕前脩紀錄製作爲可尙已自今潘水之涘豈無懷錦韜筆褒然文鳴者出焉則文通過化餘澤久而益溥亦有成諸同袍樂善之著也工告訖功謹誌于左

至正四年良月初吉中大夫蘄州路總管兼管內勸農事趙筭翁跋

戊子秋仲之晦初得元人抄本至季秋之十二日始校完元本

多樂府三章此本不知何以刪去而元本所缺此本又以意填
增文理荒悖可笑今盡口之凡口者元本所無也旁注者元本
如而文可兩通者也孱守老人旁注字今未過錄

銅劍讚一卷

梁江淹撰

永明初始造舊宮鑿東北之地皆平岡迤隴尤多古冢墓有人得
銅劍長尺五寸余既借看歎其古異客有謂余曰古時乃以銅爲
兵乎其可得而聞不余笑而應曰此證據甚多殆不俟言卿既欲
知輒具言之余按山海經曰昆吾之山其上多赤銅郭璞注曰此
山出金如火以之切玉如割泥也周穆王時西戎獻之尸子所爲
昆吾之劍也越絕書曰赤瑾之山破而出錫若邪之谿澗而出銅
歐冶鑄以爲純鉤之劍又汲冢中得一銅劍長三尺五及今所記
干將者亦皆非鐵明古者以銅錫爲兵器也周書稱穆王時征犬
戎得昆吾之劍火浣布長尺有咫又有鍊銅赤刀割玉如泥焉又

左傳僖公十八年鄭伯始朝于楚楚賜之金既而悔之盟曰無以鑄兵故以鑄三種杜預注云楚金利故也古者以銅爲兵故禹貢云荆揚貢金三品余以爲古者語質而難解今者語文而又了獨詩云元龜象齒其實象牙也書曰厥包橘柚乃黃柑也金品上則黃中則赤下則黑黑金是鐵赤金是銅黃金是金黃金可爲寶赤金可爲兵黑金可爲器韓子稱昔智伯繇之伐趙襄子初晉陽襄子金將盡問於張孟談孟談對曰吾聞董安于治晉陽也公室悉以銅爲柱質君可發而用之於是發之有餘金矣謂此據蓋可知焉又昔夏后氏使九牧貢金鑄九鼎於荆山之下于昆吾氏之墟白若甘攙之地圖其山川奇怪以形於鼎使民知神姦不逢其害以定其祥鼎成三足而方不炊而自沸不昇而自藏不遷而自行九鼎既成定之國都桀有昏德鼎遷於商殷紂暴虐鼎遷於周每人主休明鼎雖小而重其姦回昏亂雖大而輕及周顯王三十二

年姬德大衰乃淪入泗水秦始皇之初見於彭城二十七年始皇東遊大發徒出之而不能得焉後漢武帝賓禮百神于汾陰得大鼎時人以爲九鼎其詳不可得而審也且荆軻刺秦王之日七首擊銅柱銅柱火出則古者非直以銅爲七首亦以爲殿柱也且始王之世長狄十二見於臨洮身長三丈足跡六尺於是始皇斂天下之兵鑄而象之故西京賦云高門有閼列坐金狄是也又造阿房之宮其門悉用磁石磁石噲鐵以防外兵之入焉以此推之明知春秋迄於戰國戰國至於秦時攻爭紛亂兵革互興銅旣不充給故以鐵足之鑄銅旣難求鐵甚易是故銅兵轉少鐵兵轉多年甚一年歲甚一歲漸染流遷遂成風俗所以鐵工比肩而銅工稍絕二漢之世逾見其微及漢建安二十四年魏文帝爲太子時鑄三寶刀二七首天下百鍊之精利而悉是鑄鐵不能復鑄銅矣按張華博物志亦稱鑄銅之工不復可得唯蜀地羌中時有解者由

此言之斯妙久絕余謂不復能鑄銅者正當不能使利如霜雪光似雲霞陸斬犀兕水斷蛟龍豈復不能鑄銅鑪鏡耶然今太極殿前兩大銅鏡卽周景王鑄也製作精巧獨絕晚世今之作必不及古猶今鏡不及古鏡今鐘不及古鐘矣昔余爲吳興令鑿池又獲銅箭鏑數十枚時有人復於彼山中伐木得銅斧一口古銅鑄爲兵豈爲一據故備言其詳以發子之蒙矣古貴銅賤銅非獨此事按皇覽帝王冢墓記稱吳王闔閭冢銅槨三重永池六尺玉鳧之流扁諸之劍三盤郢魚腸之劍在焉秦始皇冢亦以銅槨水銀爲江河關東賊發之至銅槨而取銅深大不可多得因此穴塞漢陳思王冢時奢侈皆生葬取愛幸奴婢蓄穀爲銅窗以通殉葬者氣息兼以水火守冢給呼召數十年乃不復聞聲矣晚世之葬無復此例然猶自大奢大富大盛或傾一國之財或竭一家之寶或爭爲宏麗或競相高尚前漢奢於後漢魏時富於晉世中原旣夷

至於江左時天下凋喪制度日衰富貴之家猶或厚葬然論古論
曩亦減損千萬倍矣世愈貧狹哀禮愈薄又往古之事棺皆不用
釘悉用細腰其細腰之法長七寸廣三寸厚二寸五分狀如木杵
兩頭大而中央小仍鑿棺際而安之因普漆其外一棺凡用細腰
五十四枚大略如此亦可謂至巧矣其法既絕亦有銅釘銅釘之
體皆如今柘釘形也銅釘既滑多被發掘自義熙以來乃以柘代
銅爰及明器之屬亦多減省必不得已乃用烏牙焉相與皆用素
棺不得施漆及自棺之外一無所設既由貧富之懸兼以避患之
及耳故爲此讚以明古今銅鐵之兵忍刃葬送之事焉乃成讚曰
悠悠開闢或聖或賢蚩尤鑄銅爲兵幾年天生五才實此爲先既
古既曩誰測誰傳紛綸百代事無不異况迺金鐵國之利器風胡
專精歐冶妙思於昔則出於今則祕聞之釋經萬物澹薄在古必
厚在今必惡徒侈徒異徒鏟徒削聊舉一概以明鴻略

右銅劍讚一卷

陳留青雲寺伯宇記

康熙二年仲春望後五日孫凱之示余校正本對錄孫本係故友馮已蒼所藏從元抄本校者也其銅劍讚馮以意附之耳馮遭酷令所誅書籍盡散今見其書如見故人不勝悵歎云

南陽葉石君記

開化圖
k a h u a

開化圖書館

kaikwa library

開化圖書館

Kaichua library

開化圖書館


Kaishua library

開化圖書館

kaikwa library

開化圖書館

kuahua library




梁江文通文集

開元圖書館
Kashua library

二

開化圖書館

Kaishua Library



TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color